



數祭于壇如社稷先農各祭于壇山川祭于風雨城山  
共祭于壇而社稷先農皆兼祭于壇城隍祭于風雨城山  
川之神而配享祭于厲壇二仲而□□又祭之為城  
門之文闕昌帝祭于此則靖州綏甯廟土所祀獨也□□  
國朝亦頒代之祀此典也至飛山綏甯廟土所祀獨也□□  
或以維養或以禦災捍患儀注之繁祀簡之牲幣于左  
殺各有典禮皆所以明報也謹詳歲祀之儀幣于左  
社稷壇舊在城南外雍正十年知縣陳文言奉文修  
築因之嘉慶四年知縣趙宗文改建城北外地一  
區東西四丈南北五丈五尺壇高三尺寬二丈五  
尺四出階內為陛級外為壇級墻之外繚以周垣  
北為櫺星門樹以土之所宜木

綏甯縣志

卷之十六 祀典

神主二神合祭用石主二埋於壇近南陛不鐫神號只  
露圓尖以表著其地

神號用木主二座左曰縣社之神 右曰縣稷之神臨  
祭時方設於壇上

每歲於春秋仲月上戊日致祭

祭品 帛 黑色

爵 三 醴

鉶 二 和羹

簠 二 黍稷

簋 二 粱稻

籩 四 形鹽棗栗

豆 四 韭菹鹿醢醢

羊 一

豕 一 同俎

燈 二 炷燭

尊 一 有布 罍 一

布 罍 一

儀注前期一日齋戒前期一日簽祝版補服上香監宰

牲并瘞毛血設獻官幕次至日黎明各官朝服行禮迎神行三跪九叩初獻讀祝三獻畢飲福受胙

謝胙行三跪九叩徹饌送神行三跪九叩望瘞禮

畢按會典舊儀於獻帛爵禮不親詣位前拱獻於乾隆九年經部議始更定如文廟儀節

祝文惟神奠安九土粒食萬邦分五色以表封圻育

三農而蕃稼穡某恭承守土肅展明禋時屆仲春

敬修祀典庶丸丸松柏鞏磐石於無疆翼翼黍苗

佐神倉於不匱尙饗部頒

綏甯縣志

卷之十六 祀典

額編春秋二祭銀共十兩見賦役志

神祇壇舊在城南外上壇坪雍正十年知縣陳文言奉

文修築因之壇高三尺寬二丈五尺門由南入繚

以周垣

神主立三石主埋於壇不鏤神號只露圓尖以表其地神號用三木主臨祭設於壇

左曰本縣境內山川之神

中曰風雲雷雨之神

右曰本縣城隍之神按周禮祀風師雷雨神漢宋各

壇而祭洪武元年令郡縣祀山川明年雷雨有山川風雲雷雨爲一壇六年令有司以風雲雷雨山川國朝仍其制以城隍合祭

乾隆二十二年奉文與社稷壇同用上戊之日

祭品與社稷同惟帛用白色共設三案

儀注與社稷壇同惟獻禮分中左右三位望瘞改望燎

祝文惟神贊襄天澤福佑蒼黎佐靈化以流行生成

永賴乘氣機而鼓盪溫肅攸宜磅礴高深長保安

貞之吉憑依鞏固實資捍禦之功幸民俗之殷盈

仰神明之庇護恭修歲祀正值良辰敬潔豆籩祇

綏甯縣志

卷之十六 祀典

四

陳牲幣尙饗

部頒

額編春秋二祭銀十二兩於乾隆十三年改爲十

兩與社稷壇同

見賦  
志

先農壇城南外上壇坪雍正四年知縣鄔璠奉文修建

制高二尺一寸寬二丈五尺後建正房三間左右

配房各一間正房中間供神牌東間貯祭器農具

西間收貯藉田穀石配房東間置辦祭品西間看

守農民居住圍以土墻開門南向附壇之地墾爲

祭田共計四畝九分嘉慶十八年知縣陳新以舊

壇地狹未便行禮去壇數丈改建高功山之麓高一尺六寸寬一丈二尺八寸餘仍舊制

神號木主曰先農之神臨祭設於壇祭畢仍安原廟

每年以季春亥日致祭祭畢卽於是日行耕藉禮  
祭品 帛一青色餘與社稷壇同

儀注 前期二日齋戒前期一日省牲掃壇設幕視農

器至期各官朝服行禮與社稷壇同祭畢遵依部  
行時辰改換蟒袍行耕藉禮耕畢各官仍穿朝服  
率農夫望

綏甯縣志

卷之十六 祀典

五

闕行三跪九叩首禮

耕藉器物

農具一 赤色 牛一 黑色 籽種箱一 青色

耕藉人役

耆老一名 牽牛 農夫二名 扶犁

祝文 惟神肇興稼穡粒我烝民頌思文之德克配彼

天念率育之功常存時夏茲當東作咸服先疇恭

維

九五之尊歲舉三推之典 某 忝膺守土敢忘勞民謹奉

彝章聿修祀事惟願五風十雨嘉祥恒沐夫神庥  
庶幾九穗雙歧上瑞頻書於大有尙饗部頒

每祭額銀二兩二分五釐在藉田所收獲穀石內  
貯積五年糶銀備用如有餘批解藩庫

常雩卽在社稷壇分案合祭

神號正中第一位曰風雲雷雨之神 壇左第二位曰

縣社之神 壇右第三位曰縣稷之神次左第四

位曰本縣境內山川之神 次右第五位曰先農

之神

其木主卽用三壇之原牌合供

綏甯縣志

卷之十六 祀典

六

每歲孟夏一舉遵奉部頒日期

祭品儀注俱同社稷壇春秋祭禮

祝某躬膺

詔命撫育羣黎仰體

彤廷保赤之誠勤農勸稼俯念蔀屋資生之本力穡

服田令甲爰頒肅舉祈年之典惟寅將事用申守

土之忱黍稷維馨尙冀明昭之受賜來牟率育庶

裨豐裕於蓋藏尙饗部頒

每歲額銀五兩在藩庫請領

文廟 制見祠廟

神主木主金書

神號至聖先師孔子

每歲於春秋仲月上丁日致祭禮部仍預行文知照如遇有大事乃改次丁又不得乃改下丁

正殿陳設

祝版一

香盤一

禮神制帛一

爵三 醴

登一 太羹

鉶二和羹

簋二 黍稷

簋二 稻粱

籩十 形魚鹽棗

綏甯縣志

卷之十六 祀典

七

鹿脯白餅  
榛菱芡黑餅

豆十 菹菹醢  
筍醢菹醢  
魚菁菹  
鹿脾醢  
芹豚拍  
菹

俎三 牛羊豕

鐙二 大燭

鑪一 炷香

尊一 有勺疏  
布冪

四配位陳設東西各二案

帛各一 白色

爵各三

鉶二

簋二

簋二

籩八

豆八

羊一

豕一 同俎

鐙二

鑪一

尊一 同前

十二哲陳設 東西各一案

帛各一 白色

爵各三

鉶一

簠一

簋一

籩四

豆四

羊一

豕一 同俎

鐙二

鑪一

尊一 同前

兩廡陳設

東西各二案三俎

帛各一 白色

爵各三

簠各一

簋各一

籩各四

豆各四

羊各一

豕各一

鐙各二

鑪各一

三尊同站 有勺疏布有羃

綏甯縣志

卷之十六

祀典

八

儀注

前期二日齋戒淨廟設次前期一日教官出祭器

設香案於牲房外捧祝生舉祝案送至齋所主祭

官視畢簽畢捧祝生捧至正殿安設日午主祭官

率各官補服行一跪三叩禮退挂榜亭內主祭官

具吉服省饌豆醴尊詣省牲所省牲省畢請演禮

演樂演畢啟行祭之日四鼓陳設官教官率各執

事人陳設祭器祭品牲俎於各

神位前工歌陳麾旛篋篋琴瑟祝歌等訖五鼓各官

朝服行禮鼓三嚴後

典儀

樂舞生各就位

各抱樂器立唱

執事者各執其事西司階尊者進殿尊左右立門各獻生次立

唱主祭官就位俟立定分獻官就位俟立定陪祭

官各就位俟立定瘞毛血助獻生徹毛血迎神樂司

唱舉迎神樂奏昭平之章引贊贊上香引階主祭官由

左門詣香案前復位引主祭官自殿右跪主祭

下皆贊三跪九叩首贊興樂止唱行初獻禮司樂

舉初獻樂奏宣平之章引贊贊詣盥洗所濯水進巾

唱詣酒尊所司尊者舉冪酌酒執帛者捧帛執

爵者捧爵引進主祭官自東階詣

綏甯縣志

卷之十六 祀典

至聖先師孔子神位前跪左右獻帛右助獻舉□

舉奠拱神位左前獻爵如獻贊帛叩首贊興贊詣讀祝位

跪前讀跪祝生祝案分獻陪祭各官皆跪樂止讀畢

樂作贊三叩興主祭官以贊詣復聖顏子神位

前跪獻帛獻爵如前贊儀叩首興詣宗聖曾

子神位前如前贊儀詣述聖子思子神位前如前贊

詣亞聖孟子神位前如前儀其十二哲兩廡分

獻官俱照前儀初獻禮畢贊復位引主祭官自殿右門

分獻東西階就下樂止唱行亞獻禮司樂舉亞獻樂奏

秩平之章引階主祭爵如各分儀 亞獻禮畢贊 復位

引復位祭如前儀 樂止唱 行終獻禮司樂 舉終獻樂

奏敘平之章引階主祭爵如前儀 終獻禮畢贊 復位

引復位祭如前儀 樂止唱 飲福受胙引主祭爵自東階進殿左

贊門 詣飲福位 跪助獻二名捧酒於左 飲福酒祭主

爵於受左跪者 受福胙受胙者拱贊 三叩首 興贊

復位唱 謝胙贊 跪皆主祭以下 三跪九叩首 興唱

徹饌司樂 舉徹饌樂奏懿平之章助獻生舉饌由東

西階下 樂止唱 送神司樂 舉送神樂奏德平之章唱

綏甯縣志

卷之十六 祀典

跪主祭皆跪贊 三跪九叩首 興唱 讀祝者捧祝司

帛者捧帛各詣燎所望燎詣望燎位焚祝帛唱 復

位 樂止唱 禮畢

祝文 惟先師德隆千聖道冠百王揭日月以常行自

生民所未有屬文教昌明之會正禮節樂和之時

辟雍鐘鼓咸恪薦於馨香泮水膠庠益致嚴於籩

豆茲當仲春秋 祇率彝章肅展微忱聿修祀典以

復聖顏子 宗聖曾子 述聖子思子 亞聖孟

子配尙饗雍正二年頒

聖誕八月二十七日紳士多于是日之心牲酒致拜自祝雍羣正飲  
五年奉文於是日致齋一日不刑也  
禁止屠宰永著為令則尤為尊崇之至名

春秋二祭額編銀四十兩赴司庫領見志賦

崇聖祠制見祀廟

神牌俱用木主赤地金書四配兩廡神主同文廟十二

哲式

祭期用春秋仲月上丁日致祭

正位陳設

祝版一 帛五白色 爵各三

綏甯縣志 卷之十六祀典

十一

鉶二 簋二 簋二

籩八 豆八 羊一

豕一同俎 鐙二 鑪一

尊一同前

配位陳設東西各一案

帛各一 爵各三 簋一

簋一 籩四 豆四

羊一 豕一同俎 鐙二

鑪一 尊一同前

從祀陳設 東西各一案

帛一 爵各三 簋一

簋一 籩四 豆四

羊一 豕一 鐙二

鑪一 尊一 同前

儀注 文廟丁祭日教官先詣

崇聖祠上香迎神三獻其以次拱獻正配各位禮亦俱  
同惟前後二跪六叩中間亦無樂舞飲福胙謝福  
胙兩節

綏甯縣志 卷之十六 祀典

十二

祝文 維王奕葉鍾祥光開聖緒盛德之後積久彌昌

凡聲教所覃敷悉循源而溯本宜肅明禋之典用

申守土之忱茲屆仲春秋 聿修祀事以先賢 顏氏

先賢 曾氏先賢 孔氏先賢 孟孫氏配尙饗

雍正二年頒

二祭向例額銀七兩乾隆十三年加增一兩共八

兩赴司庫領 見賦志

名宦祠 制見祠廟

神主 式同兩廡赤地黑書

祭期 隨文廟丁祭日

祭品 同文廟兩廡

儀注 祭畢教官補服詣祠行禮上香獻帛爵一跪三

叩首禮畢

文祝 卓哉羣公懋修厥職澤被生靈功垂社稷今值

仲春 謹以牲帛醴齋用申明薦尚饗

每年額銀二共三兩五錢乾隆十三年增為四兩

見賦役志

鄉賢祠

制見祠廟

綏甯縣志

卷之十六

祀典

十三

主神

祭期

祭品

儀注

祭費

俱同名宦

文祝 於維羣公孕秀茲邦懿德卓行奕世流芳今值

仲春

謹以牲帛醴齋用申明薦尚饗

忠義祠

主神

祭期

祭品

儀注

俱與鄉賢同

文祝 維靈矢志貞純躬行篤實忠誠奮發貫金石而

不渝義問宣昭表鄉閭而共式祇祀懋彝倫之大

性摯莪蒿克恭念天顯之親情殷棣萼楷模咸推

夫懿德 恩綸特闡其幽光祠宇維隆歲時式祀

用陳尊簋來格几筵尙饗部頒

奉文於額編名宦鄉賢祠銀兩內勻辦

節孝祠制見祠廟

主神 祭期 祭品 儀注 祭費俱與忠義祠同

文祝 維靈純心皎潔令德柔嘉矢志完貞全閨中之

亮節竭誠致敬彰闈內之芳型茹冰蘖而彌堅清

操自勵奉盤匝而匪懈篤孝傳徽

絲綸特沛於殊恩祠宇昭垂於令典祇循歲祀式

薦尊膠尙饗部頒

綏甯縣志

卷之十六祀典

十四

關帝廟前後殿制見祠廟

神號曰忠義神武靈佑仁勇威顯護國保民精誠關聖

大帝神主木主金書

後殿三代神號曰 光昭王 裕昌王 成忠王俱木主金書

每歲春秋二仲月奉文頒定日期及五月十三日

神誕致祭

祭品 登一 鉶二 簋二 簋二 籩十 豆十

俎共一 牛一 羊一 豕一 帛一 爵三

尊一

夏祭禮神制帛一 爵三 牛羊豕各一

果品五盤核桃 栗 荔枝 圓眼 尊一

後殿春秋祭品 帛三 爵三 果餅登五 羊一 豕一

同俎 尊一 簋二 籩二 籩八 豆八 鐙二

鉶二

後殿夏祭祭品均同春秋祭

儀注前期一日齋戒省牲安設祝版如常儀至期

陳設畢各官朝服行禮通唱 鼓三嚴樂舞生就位

執事者各執其事主祭官就位陪祭官各就位上

綏甯縣志

卷之十六 祀典

十五

香引唱 詣盥洗所濯水淨巾詣香案前跪上香上三

瓣香 興復位通唱 瘞毛血迎神舉迎神樂奏格平之

章行迎神禮跪三跪九叩首興樂止行初獻禮舉

初獻樂奏翊平之章引唱 詣酒尊所司尊者舉冪

酌酒執帛者捧帛執爵者捧爵詣

關聖大帝神位前跪獻帛獻爵叩首興詣讀祝位通唱

樂止引唱 跪通唱 陪祭官皆跪引唱 讀祝文畢三

叩首興復位通唱 行亞獻禮舉亞獻樂奏恢平之

章引唱 詣酒尊所司尊者舉冪酌酒執爵者捧爵

詣

關聖大帝神位前跪獻爵叩首興復位通唱樂止行終

獻禮舉終獻樂奏靖平之章如亞獻儀復位通唱

樂止飲福受胙引唱詣飲福位跪飲福酒受福胙

三叩首興復位通唱謝胙跪三跪九叩首興徹饌

舉徹饌樂奏彝平之章樂止送神舉送神樂奏康

平之章行送神禮跪三跪九叩首興樂止讀祝者

捧祝執帛者捧帛各詣燎所樂止禮畢

夏祭儀注惟不作樂不齋戒餘與春秋祭儀注同

綏甯縣志

卷之十六 祀典

十六

後殿春秋祭儀注主祭官詣廟行禮惟前後行二跪六叩

禮無飲福受胙謝胙其餘同前殿

後殿夏祭儀注與後殿春秋祭同

文祝惟神星日英靈乾坤正氣允文允武紹聖學於千

秋至大至剛顯神威於六合仰聲靈之赫濯崇典

禮於馨香茲當仲春秋用昭時響惟祈昭格克鑒精

虔尙饗咸豐四年頒

夏祭文祝惟神九宇承庥兩儀合撰崧生嶽降溯誕

聖之靈辰日午中天屆恢台之令序聰明正直壹

是也千秋徵肸鬯之隆盛德大業至矣哉六幕肅馨香之薦爰循懋典式展明禋苾芬時陳精誠鑒格尙饗

後殿

祝文

惟王世澤覃庥令儀裕後靈鍾河嶽篤生神武之英誠溯淵源宜切尊崇之報班爵超躬桓而上升香通俎豆之陳茲當仲春秋爰修祀事尙祈昭鑒式此苾芬尙饗

後殿夏祭

祝文

惟王廸德承家累仁昌後崧生嶽降識口聖之有基本本水源宜推恩之及遠封爵特超於

綏甯縣志

卷之十六

祀典

十七

五等馨香永薦於千秋際仲夏之屆時命禮官而將事惟祈昭格鑒此精誠尙饗

每年在起運項下支銷銀三十五兩七錢四分二釐夏季支銀九兩春秋各十三兩三錢七分一厘

見賦志

文昌帝君廟前殿後殿

制見祠廟

嘉慶六年欽奉

諭旨致祭

文昌帝君倣照

關帝春秋二季祭祀之例辦理咸豐七年升入中祀添設樂詞六章同治四年增添壽祭前殿現供

神像應照定制增設牌面

文昌帝君神位 紅飾金書 祭時設牌位于像前

後殿神號曰文昌帝君先代神位 木主紅飾金書

每歲春秋仲月奉文頒定日期致祭及二月初三

日祭 祭品 儀注 與關廟同惟樂章各別

後殿祭品 儀注 俱與關廟後殿同

祝文 維

綏甯縣志

卷之十六 祀典

十八

神蹟著西垣樞環北極六匡麗曜協昌運之光華累

代垂靈爲人文之主宰扶正久彰夫感召薦馨宜

致其尊崇茲屆仲春秋用昭時祀尙其歆格鑒此精

虔尙

饗 部 頌

後殿祝文曰祭引先河之義禮崇反本之思矧夫世德

彌光延賞斯及祥鍾累代炯列宿之精靈化被千

秋緯人文之主宰是尊後殿用答前庥茲值仲春秋

肅將時事用申告潔